

Se tshabe ...



bible society
of south africa

Ke na le wena

Ka nako tse ding bohole re a tshaba ho sa kgathallehe hore re sebete hakae kapa re hodile hakae. Re qeta bosiu bohole re shebile re tshwenyehile mabapi le dikotsi tse ka re hlahelang mme re tshohe haholo. Athe Modimo o re bolella hore re se tshwenyehe dikelong tsa rona dibakeng tse ngata Bibeleng.

“O se ke wa tshaba,
hobane ke na le wena,
o se tsielehe,
hobane ke Modimo wa hao.
Ke tla o matlafatsa,
ke be ke o thuse,
ke o tshehetse
ka tsoho la ka le letona,
ka tsoho le letona
le etsang ho loka.”

Esaya 41:10

“Le se ke la tshaba ba bolayang mmele, empa ba ke ke ba bolaya moy; le mpe le tshabe ya nang le matla a ho timetsa moy le mmele diheleng. O ka reka dirobele tse pedi ka sente, empa ha ho le se seng se ka welang fatshe Ntata Iona a sa tsebe. Ha e le Iona, esita le diqoba tsa moriri wa dihlooho tsa Iona di badilwe kaofela. Kahoo le se ke la tshaba; Iona le ba bohlokwa ho feta dirobele tse ngata.”

Matheu 10:28-31

Bible e re netefaletsa tlhokomelo ya lerato la Modimo

Morena ke lesedi la ka
le pholoho ya ka;
nka tshaba mang?
Morena ke setshabelo
sa bophelo ba ka;
nka tshoha mang?

Dipesalema 27:1

“O se ke wa thothomela,
o se ke wa tshaba.
Na ha ke a ka ka bolela hoo,
ka ho senola kgalekgale?
Lona le dipaki tsa ka;
na ho teng Modimo e mong
kantle ho nna?
Tjhe, ha ho Lefika le leng,
ha ke tsebe le le leng!”

Esaya 44:8

Tshepa toka ya Modimo

Morena, mohau wa hao
o fihla mahodimong,
botshepehi ba hao
bo fihla marung,
ho loka ha hao
ho jwaloka thaba tse telele,
dikahlolo tsa hao di jwaloka bodiba,
bodiba bo tebileng:
Morena, o pholosa motho
le yona phoofolo.
Modimo, mohau wa hao
ke wa bohlokwa hakaakang!
Bana ba batho ba tshabela moriting,
moriting wa mapheo a hao.
Ba kgora manoni a ntlo ya hao;
o ba nwesa nokaneng
ya menate ya hao.
Sediba sa bophelo se ho wena,
mme ka sedi la hao re bona lesedi.

O nne o be mohau ho ba o tsebang,
o nne o sitse ba pelo di ntle
ka ho loka ha hao.

Dipesalema 36:6-11

Empa Morena o a tshepahala, o tla le
matlafatsa, a le sireletse ho E Mobe.

2 Bathesalonika 3:3

*Ditemana tsa Bibele di nkilwe
Bibeleng ya Sesotho ya 1989.

“Morena a le hlohonolofatse,
a le baballe.
Morena a le bontshe
sefahleho sa hae se kganyang kgotso,
a le hauhele.
Morena a le tadime ka lerato,
a le nee kgotso.”

Dipalo (Numere) 6:24-26



E phatlaladitswe le ho ajwa ke
Mokgatlo wa Bibele wa Afrika Borwa.
www.biblesociety.co.za